
★1. وزیر اعظم نریندرمو دی جا رج ٹاؤن مانہہ گیانا غی پا رلیمنٹ نال اک شام خطاب کریں گا۔

★2. وزیر دفاع راجناتھ سنگھ نے اج اس گل نانہہ اُجاگر کیو ہے جے بھارت نے مشکل بین القوامی امور غا حل غی ہمیشہ وکالت کی ہے اور اس ور عمل وی کیو ہے۔

★3. جموں کشمیر غا وزیر اعلیٰ عمر عبداللہ نے اج ضلع پونچھ غو دورو لایو ہے تے ضلع مانہہ سینئر افسراں نال اعلیٰ سطحی میٹنگ کر غے ترقیا تی منصوباں تے انتظامیہ با رے جائزو وی لیو۔

★4. تے قومی تحقیقاتی ایجنسی این آئی اے نے جموں صوبہ غی 8 بکھ بکھ تھاراں ور دہشت گردی غی دراندازی معاملہ ورچھاپہ ماری کی ہے۔

PM Guyana Address

وزیر اعظم نریندرمو دی اج شام جا رج ٹاؤن مانہہ گیانا غا ایوان نال خطاب کریں گا۔ وے گیانا تے کیرین خطہ غا مشہو ر کھلاڑیاں نال گل بات کریں گا تے اس دوران جناب مو دی بھارتی تا رکین وطن غا اک اجتماع نال وی خطاب کریں گا۔ واضع رہ جے وزیر اعظم نریندرمو دی گیانا غا 3 روزہ دورہ ور ہیں۔ گذشتہ شام وزیر اعظم نریندرمودی نے دوجا بھارتی کیری کون اجلاس مانہہ وی شمولیت اختیار کی تھی۔ اُنہاں نے اس دوران کیری کون مُلکاں غا لیڈراں نال سلسلہ وار دو طرفہ ملاقات وی کیں۔ جن مانہہ گیانا، ڈومینکا، بہا ماس، باربا ڈوس، گرینیڈا، سینٹ وینکٹ شامل ہیں۔ بھارت غا وزیر اعظم نریندرمو دی تے گیانا غا صدر محمد عرفان علی غے درمیان دو طرفہ گل بات توں بعد بھارت تے گیانا غے درمیان 10 معاہداں ور دستخط ہوا ہیں۔ جن مانہہ طبی، بائیڈرو کاربن، ذراعت تے اس نال جُڑیا شعباں مانہہ آپسی تال میل مانہہ بابدو شامل ہے۔ بھارت تے گیانا غے درمیان دستخط ہوا مفاہمت ناماں مانہہ طبی مصنوعات، جن آشودھی سکیم، ثقافتی تبادلہ غا پروگرام تے گیانا مانہہ یوپی آئی جیسا نظام غی تعیناتی اور پر سار بھارتی تے قومی مواصلات نظام غا شعباں درمیان تعاون تے اشتراک وی شامل رکھیو گیو ہے۔ بھارتی تا ریکن وطن 18 سو 38 مانہہ گیانا پُجیا تھا تے اُس تیں بعد 180 سالاں توں گیانا مانہہ بھارتی تا رکین وطن غی موجودگی ہے۔

Rajnath LOAS

وزیر دفاع راج ناتھ سنگھ نے اج اس گل نانہہ اُجاگر کیو ہے جے بھارت نے مشکل بین القوامی مسئلاں نانہہ حل کرن غی وکالت کی ہے تے ہمیشہ اس ور عمل وی کیو ہے۔ لاؤس غا وینٹائینہ مانہہ 11 ویں آسیان وزرائے دفاع اجلاس نال خطاب کرتاں واں وزیر موصوف نے اس گل غی نشاندہی کی ہے کہ کھلی بات چیت اور پُر امن گفت و نشید گو

یوہ عزم سرحدی تنازعات توں لے غے تجا رتی معائیدان تک وسیع پیمانہ ور بین القوامی للکاراں واسطے بھارت غا نقطہ نظر توں واضح ہے اُنہاں نے کہیو کہ بھارت غو مننو ہے کہ عالمی مسائل غا حقیقی اور طویل مُدتی حل تد ہی حاصل کیا جا سکیں غا جد ممالک اک دوجا غا نقطہ نظر غو احترام کریں گا۔ جناب سنگھ نے کہیو ہے کہ یوہ بہت اہم ہے کہ دُنیا غا بکھ بکھ حصاں مانہ جا ری تنازعات اور درپیش بین القوامی للکاراں ور غور و خوض واسطے لاؤس مانہ میٹنگ ہو رہی ہے۔ اُنہاں نے کہیو جے لاؤس طویل عرصہ توں بدھ مت گا عدم تشدد تے امن گا اصولاں نانہ اپنا گیو ہے۔ وزیر دفاع نے کہیو جے بھارت بحرالکابل مانہ امن اور خوشحالی غا فروغ غا تناظر مانہ نیوی گیشن اور فضائی حدود غی آزادی بلا روک ٹوک قانونی، تجارت اور بین القوامی قانون غی پاسداری غا حق مانہ ہے۔ ضابطہ اخلاق اور جا ری گل بات غا با رہ مانہ اُنہاں نے کہیو بھارت اک ایسو ضابطو دیکھنو چاوے جہیڑو ممالک غا جائز حقوق تے مفادات نانہ متاثر نہ کرے۔ جہیڑا اس گل بات مانہ فریق نہیں ہیں۔

Prez Harekrushna

صدرِ جمہو رہ محترمہ دروپدی مُرمو نے اج اچ نوی دہلی مانہ اُتکل کیسری ڈاکٹر ہری کرشنا مہتاب نانہ خراج عقیدت پیش کیو۔ ڈاکٹر ہری کرشنا مہتاب غی 125 ویں یوم پیدائش غی ترقیب غو افتتاح کرتاں واں صدرِ جمہو رہ نے ڈاکٹر مہتاب غا اعزاز مانہ خصوصی ڈاک ٹکٹ اور سکو جا ری کرن غا موقعہ ور خوشی غو اظہا رکیو۔ صدرِ جمہو رہ نے کہیو جے وے ہمیشہ ڈاکٹر مہتاب غی تحریراں تے تقریراں توں متاثر رہی ہیں۔ ڈاکٹر ہری کرشنا مہتاب 21 نومبر 1899 مانہ اگرپا رہ اُڑیشہ مانہ پیدا ہوا تھا۔ وے بھارتی تا ریخ غا اک ہمہ جہتی رہنما تھا۔ جنہاں نے اک آزادی پسند سیاستدان، لکھاڑی، مصنف تے صحافی غے طور ور جانیو جائے۔ ڈاکٹر مہتاب نانہ اُن غی مضبوط قوت ارادی عزم تے اثر و رسوخ واسطے یاد کیو جائے جہیڑا ریاست غا صفِ اول غا رہنماواں مانہ اک خاص طور پشان رکھیں۔

Murthy CAG

اعلیٰ تعلیم غا سابقہ سیکریٹری کے سنجے مو رتھی نانہ اج صدرِ جمہو رہ درپدی مُرمو نے بھارت غا کمٹرولر جنرل غا طور حلف دوايو ہے۔ آکاشوانی جموں غا نمائندہ نے دسیو ہے جے جناب مو رتھی 1989 بیچ غا آئی اے ایس افسر ہیں جہیڑا گریش چندر مُرمو غی جگہ لیں گا۔ مو رتھی سوموار تیں مرکز غا سی اے جی بن گیا ہیں۔ نائب صدرِ جمہو رہ جگدیپ دھنکڑ وزیرتعلیم دھرمیندر پردھان تے تجارت تے صنعت بارے وزیر پیوش گو ٹیل سمیت دوجاں نے وی حلف برداری غی تقریب مانہ حصو لیو۔

Reasi Panchayat

ضلع انتخابی افسر ریا سی وشیش پال مہاجن نے اج ڈی سی آفس کمپلیکس توں 2 گڈیاں نانہہ بری جھنڈی دس غے روانہ کیو۔ یہ گڈیاں پنچایت انتخابی فہرستان غی جا ری سالانہ نظر ثانی 2025 غے با رہ مانہہ بیداری پھیلاں واسطے ضلع غا تمام 12 بلاکاں غو دورو کریں گی۔ اور اہل شہریاں نانہہ ووٹر لسٹ تا تا ریخ مانہہ حصو لین غی ترغیب دین واسطے راغب کیو۔ مہارا ضلع نمائندہ دویندر ٹھاکر نال گل کرتاں واں ڈپٹی ضلع الیکشن افسر ریا سی راکیش کمار نے اس طرح کہیو۔ بائٹ۔۔

JK Pre Budget Meet

جموں کشمیر سرکار بکھ بکھ محکماں نال 27 نومبر توں 26/2025 بجٹ بارے تجویز نانہہ مضبوطی دین واسطے بجٹ توں پہلاں میٹنگ کر رہی ہے۔ آکاشوانی جموں غا نمائندہ نے دسیو ہے جے بجٹ توں پہلاں میٹنگاں غے دوران سرکار 36 انتظامی محکماں نال صلاح مشورو کرے گی۔ تے اس توں بعد 20 دسمبر نانہہ اس مشق نانہہ حتمی شکل دتی جائے گی، میٹنگاں توں پہلاں خزانہ بارے محکمہ نے محکماں نانہہ ہدایت کی ہیں جے وے بجٹ اعلانات ور کا روائی رپورٹ پیش کریں۔

CS KKG

چیف سیکریٹری اتل ڈلو نے گزشتہ روز محکمہ ذریعی پیداوار غی میٹنگ طلب کی تا کہ جموں کشمیر مانہہ کساناں غی فلاح و بہبود اور ذریعی شعبہ غی ترقی واسطے چایا جان آلا مختلف اقدام ور حاصل پیش رفت غو جائزو لیو جا سکے۔ چیف سیکریٹری نے مرکز غا مختلف اضلاع مانہہ کسان خدمات گھر غا قیام ور پیش رفت غو جائزو لیتاں واں متعلقہ افسراں ورزور پایو کہ وے ان کسان خدمت گھراں غے ذریعے بدھتی وی خدمات نانہہ جا ری رکھیں۔ اُن غو کہنو تھو کہ اس طرح غا اقدامات ان مرکزیاں غا اثرات نانہہ بدھان غے نال نال ان غا کماں مانہہ کارکر دگی اور کساناں غا فائدہ مانہہ اضافو کریں گا۔ اُنہاں نے محکمہ نانہہ ہدایت کی کہ وے اس سال جنوری تک باقی کسان خدمت گھر قائم کریں تے بیچاں تے کھاداں غی فروخت غے متعلق لین دین غی نگرانی واسطے ڈیش بورڈ بناویں۔ اس بارے چیف سیکریٹری نے متعلقہ ڈپٹی کمشنراں توں اُن غا ضلعاں مانہہ کسان خدمت گھر غا کم بارے جانکاری حاصل کی۔

CM Poonch

جموں کشمیر غا وزیر اعلیٰ عمر عبداللہ نے اج پونچھ ضلع غو دورو کیو اور عہدیداراں غے نال اک اعلیٰ سطحی میٹنگ غی صدارت کی۔ اس میٹنگ مانہہ ترقیا تی منصوباں اور نظم و نسق غو جائزو لیو۔ مہارا ضلع نامہ نگار انوبھو مسری غے مطابق وزیر اعلیٰ نے رہا

نشیانِ غا معیا رِ زندگی نانہ بہتر بنان واسطے جا ری منصوبان نانہ تیز کرن اور اُن غی بروقت تکمیل نانہ یقینی بنان غی اہمیت ور زور دتو۔ اپنا دورہ غے دوران وزیر اعلیٰ نے مختلف مقامی تنظیمان، سماجی رہنماواں اور سیا سی نمائنداں غی نمائندگی کرن آلا 20 توں متا وفود سنگ گل بات کی۔ ہر وفد نے خطہ غا اہم مسائل اور ترقیاتی مطالبات با رے اپنی گل رکھیں۔ جن مانہ میڈیکل کالج پونچھ، ضلع ہسپتال واسطے ڈاکٹر، میونسپل کونسل پونچھ مانہ صفائی کرمچاری آسامیں پُر کرنو، اور سڑک وغیرہ شامل ہیں۔ وزیر اعلیٰ نے لوکاں نانہ یقین دوايو کہ تمام مسائل نانہ حل کرن واسطے فوری اقدامات کیا جائیں۔

JK Raids

قومی تحقیقاتی ایجنسی این آئی اے نے دہشت گرداں غی دراندازی غے متعلق اک معاملہ غا سلسلہ مانہ جموں صوبہ مانہ 8 مقامات ور چھاپہ ماری کی ہے۔ آکاشوانی جموں غا نامہ نگار نے اطلاع دتی ہے کہ ریا سی، ڈوڈہ، اُدھم پو، رام بن اور کشتواڑ مانہ کئی جگہاں ور یاہ چھاپہ مار کا روائی انجام دتی گئی ہے۔ اس کاروائی نانہ این آئی اے غا اہلکاراں نے جموں کشمیر پولیس تے نیم فوجی دستاں غے نال مل غے انجام دتو ہے۔ اس توں پہلاں بدھوار نانہ قومی تحقیقاتی ایجنسی نے 2020 توں مطلوبہ وادی مانہ منشیات تے دہشت گردی غا اک معاملہ مانہ اک ملزم نانہ گرفتار کیو تھو جھیڑو منشیات غا کاروبار مانہ ملوث تھو تے اس کا روبر تیں حاصل ہون آلا پیسہ نال ات دہشت گردی نانہ بابدو دے تھو۔ قابل ذکر ہے جے منیر احمد بانڈے جھیڑو جے گذشتہ 4 بہراں توں گرفتاری توں بچ ریو تھو تے اُس غو مقصد دہشت گردی نانہ ہوا دین، منشیات غی خرید و فروخت، جموں کشمیر اور مُلک غا دیگر حصاں مانہ دہشت پھیلان واسطے پیسو اکھٹو کرنو تھو۔ واضع رہے جے ممنوعہ لشکرِ طیبہ اور حزب المجاہدین جیسی دہشت گرد تنظیمان مانہ اس غی سرگرمیاں جون 2020 مانہ اُس ویلے منظرِ عام ور آئی جد کپواڑہ پولیس نے کائیرو پُل ور گڈیاں غی تلاشی غے دوران 2 کلو گرام بیروئین تے 20 لکھ روپیہ ضبط کر غے معاملہ درج کیو۔ واضع رہے جے ایجنسی نے منشیات غی دہشت گردی غا نیٹ ورک نانہ ختم کرن اور بالخصوص وادی مانہ دہشت گردی نانہ ختم کرن واسطے اپنی تحقیقات جاری رکھیں وی ہیں مزید تفصیلات غی اجوں اُڑیک ہے۔
